

per persunas d'instrucziun, mainascolas e cussegls da scola



Part generala

Occurrenzas dals inspecturats districtuals

Pervi da la crisa da COVID-19 sun l'onnn passà vegnidas spustadas en tut ils districts las occurrenzas da barat dad individualisaziun 3. classas sec I sco era las occurrenzas per cussegls da scola. Ils termin actualisads sa chattan a la fin da quest scriber. Tut las occurrenzas vegnan organisadas resguardond las prescripziuns actualas da protecziun da COVID-19.

Giudicament d'admissiun tenor protesta 2020

L'onnn da scola 2019/20 han 17 scolaras e scolars absolvi l'examen d'admissiun chantunal da protesta, tuts senza success. L'inspecturat da scola engrazia fitg a tut las persunas d'instrucziun involvidas en la procedura d'admissiun. Grazia a lur pratica d'admissiun cumplexsiva e la buna comunicaziun culs geniturs hai dà er quest onnn fitg paucas annunzias da recurs. Dapli divers onns è la cifra d'annunzias fitg bassa.

Di da l'avegnir

Er quest onnn dastgan las scolaras ed ils scolars da la 5avla fin 7avla classa prender part al di naziunal da l'avegnir ils 12 november 2020. La finamira è en prima lingia ina midada da l'optica sin il mund da lavur. La tscherna da mastergn è anc adina focussada sin professiuns tipicas masculinas u femininas. Per in video da la midada d'optica san ins gudagnar 1000 francs per la cassa da classa. Durant il medem di ha

lieu il 4. parlament da giuvnas. En la politica èn las dunnas anc adina sutrepreschentadas. Ord quest motiv san las giuvnas esser quai di deputadas dal Cussegl grond e sa fatschentar cun dumondas politicas, scriber propostas e debattar. Scolas da la 7avla fin 9avla classa dastgan prender part.

[Video - concorrenza midament d'optica](#)

[Infurmaziuns di naziunal da l'avegnir](#)



Mesiras repressivas per motivs da provediment

Er en il Grischun èn fin l'onnn 1981 umans vegnids plazzads, adoptads sut sforz, internads administrativamain u sterilisads sfuzadamain. Famiglias èn vegnidas schliadas ed uffants èn vegnids plazzads. Las persunas pertutgadas n'avevan savens nagins meds giuridics u mo pussaivladads insuffizientas per sa dustar.

Las regenzas sa han perstgisà ed il parlament federal ha dà ina contribuziun da solidaritad per persunas pertutgadas. Igl è impurtant che lur istorgia vegn reelavurada. Quai è er l'incumbensa da la scola.

Per quai ha il Chantun laschè producir in quadern da lectura cun tschintg destins or dal Grischun en trais linguas: "Sorge oder Zwang?", "Agid u sforz?", e "Assistenza o coercizione?". Persunas d'instrucziun pon empustar gratuitamain il quadern sco exemplars da classa u singul exemplar tar: Meds d'instrucziun dal Grischun. En l'affar d'internet www.lmv.gr.ch sa chattan sut il numer 12.2130 materials e concepts d'instrucziun en fuorma da pdf.

Uschè sa vegnir instrui in tema impurtant da moda attractiva. L'instrucziun sa vegnir cumplettada cun ina visita da

l'exposiziun speziala "Fürsorgerische Zwangsmassnahmen in Graubünden" (Museum Retic, Cuira). L'exposiziun dura dals 21 avust 2020 fin en marz 2021. Cun in gieu auditiv pon las visitadras ed ils visitaders s'approfondar en las medemas istorgias sco en il quadern. In mund da chartun transmetta l'atmosfera dal temp.

[Butia d'internet meds d'instrucziun dal Grischun](#)



Swiss-Skills Connect

L'occurrenza SwissSkills 2020 é vegnida sditga pervia da la pandemia da COVID-19. Er il process da tscherna da mastergn è stà engrevgià per las giuvnas ed ils giuvens. Or da quel motiv è vegnì sviluppà SwissSkills Connect che porscha a classas ina pussaivladad digitala per sa fatschentar cun la multifariadad professiunala e per sa laschar inspirar da tschients champiuns da professiun. Las scolaras ed ils scolars vegnan colliads digitalmain cun persunas giuvnas che èn gia sa cumprovasas en il mund professiunal. Ils campions represchentan pli che 100 differentas professiuns e respundan en il rom dad in chat live las dumondas da las scolaras ed ils scolars. Spezialmain attractiv: materials accompagnants d'instrucziun stattan a disposiziun.

[Swiss Skills Connect](#)



RDZ Sargans

Il center didactic regiunal da Sargans (RDZ) è ina purschida da servetsch cun differentas offertas per las persunas d'instrucziun da la scola publica.

Ils arranschaments d'emprender cun temas che midan mintg'onn san vegnir visitads gratuitamain e sun ina buna occasiun per emprender ordaifer scola. En la medioteca sa chatta ina gronda purschida da medias d'emprender e preparaziuns che san vegnir emprestadas. Curs da perfecziunament pratics sustegnan ed enritgeschan las persunas d'instrucziun da tut ils stgalims da scola. Il chantun Grischun sa participescha finanzialmain vi da la purschida cun in contract da cooperaziun.

[RDZ Sargans](#)



Museum Kirchner Tavau

Ils museums han puspè avert las portas. Uschè era a Tavau il museum Kirchner, che ha ina purschida attractiva per classas da scola. Las scolaras ed ils scolars s'avischinan adequat a lur vegliadetgna a l'ovra dad Ernst Ludwig Kirchner. Suenter in gir d'exploraziun vegni midà en l'atelier da gruppa dal museum. Là pon las scolaras ed ils scolars laschar man liber a lur creatividad.

[Museum Kirchner Davos](#)



La crisa da corona sco cura da cellas frastgas

Las uniuns dals mainascolas svizzers VSLCH e CLACESO han fatg il mais da matg ina retschertga en scola en connex cun

l'instrucziun sin distanza. Ils resultats demussan che l'instrucziun sin distanza ha dat nov schlantsch. Las uniuns discurran perfin dad ina cura da cellas frastgas per las scolas.

[Effects da l'instrucziun sin distanza en las scolas](#)



Spustament Swissdidac Berna

La Bernexpo Groupe ha decis ensemen culs partenaris ed ils expositurs da spustar las occurrenzas da quest onn: La Swissdidac e la Worlddidac Berna han lieu da nov dals 22 fin als 24 november 2021.

[Swissdidac Days Berna](#)



Cordials salids

Inspecturat da scola dal Grischun

Part regionala

Termins

Per plaschair reservar ils suandants termins:

Occurrenza da barat individualisaziun

L'occurrenza da barat individualisaziun 3. sec I che era vegnida spustada per chaschun da COVID-19 ha lieu da nov als 23 settember 2020 a Cuira e Tusaun.

Occurrenza per cussegls da scola atun 2020

25 november 2020 in Razén. In'invitaziun suonda a temp.

Occurrenza d'infurmaziun per mainascolas

2 december 2020 a Tusaun. In'invitaziun suonda a temp.

Giudicament d'admissiun tenor protesta 2021

Decisiun provisorica 2021: 22 schaner 2021

Decisiun definitiva 2020: 14 avrigl 2021

Examens d'admissiun: 25/26 matg 2021

Nus giavischain a tuts e tuttas in onn da scola 2020/21 cun bler success e ans legrain sin ina buna collavuraziun cun vus.

*Team d'inspecturat districtual Plessur-Grischun central:
Christina Nigg (Manadra) Jachen Andri Buchli, Philipp Hugentobler, Daniela Zanelli ed Elisabeth Caluori (secretariat)*

